



Broj: 14-02-04-00872/26
Datum: 10. 03. 2026. godine

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
SKUPŠTINA KANTONA SARAJEVO
ul. Reisa Dž. Čauševića br. 1
71000 Sarajevo
N/r Elvedin Okerić, predsjedavajući

PREDMET: Odgovor na zastupničku inicijativu, dostavlja se;
VEZA: Vaš akt, broj: 01-04-57021-47/25 od 26.01.2026. godine

Poštovani,

U skladu sa Vašim aktom, broj i datum veze, kojim ste dostavili zastupničku inicijativu zastupnice Marijele Hašimbegović, upućenu u okviru 28. radne sjednice Skupštine Kantona Sarajevo, a koja glasi:

“Upućujem inicijativu za hitno vršenje inspekcijskog nadzora nad radom Ministarstva kulture i sporta KS, Upravnog odbora JU Narodno pozorište Sarajevo i Vlade Kantona Sarajevo radi utvrđivanja zakonitosti postupanja u predmetu (ne)raspisivanja konkursne procedure za izbor i imenovanje direktora JU Narodno pozorište Sarajevo (NPS).

Shodno relevantnim odredbama Zakona o ustanovama (“Službeni list R BiH” broj: 6/92, 8/93, 13/94 i 33/94 – primjenjuje se i u Federaciji BiH u većini aspekata na JU), institucija javnog karaktera ne smije biti dovedena u stanje pravnog vakuma.”, obavještavamo Vas da je izvršen usmjereni inspekcijski nadzor i tom prilikom je utvrđeno slijedeće:

Uvidom u odredbe važećih Pravila JU Narodno pozorište Sarajevo, broj: 05-1672/23 od 14.03.2023. godine utvrđeno je da je članom 42. stav (2) istih propisano da direktora Pozorišta imenuje i razrješava Upravni odbor, na osnovu javnog konkursa, uz prethodnu saglasnost Vlade Kantona Sarajevo, a na prijedlog ministra.

Članom 45. stav (1) Pravila je propisano da konkurs za imenovanje direktora raspisuje i provodi Upravni odbor Pozorišta.

Navedena Pravila su donesena na osnovu člana 27. stav 1. alineja 1. i člana 38. Zakona o ustanovama (“Službeni list R BiH” br. 6/92, 8/93 i 13/94), člana 28. stav (3) Zakona o pozorišnoj djelatnosti (“Službene novine Kantona Sarajevo” broj 42/13 – Prečišćeni tekst 6/16) i člana 14.

Odluke o preuzimanju prava osnivača Javne ustanove "Narodno pozorište Sarajevo" ("Službene novine Kantona Sarajevo" broj 3/99 – Prečišćeni tekst, 33/07 i 1/13).

Shodno navedenom, inspektor rada je utvrdio da nema nadležnost za vršenje inspekcijskog nadzora nad primjenom Pravila ustanove koja su donesena na osnovu Zakona o ustanovama ("Službeni list RBiH" br. 6/92, 8/93 i 13/94) i Zakona o pozorišnoj djelatnosti ("Službene novine Kantona Sarajevo" broj 42/13 – Prečišćeni tekst 6/16).

Naime, članom 159. Zakona o radu („Službene novine Federacije BiH” broj 26/16, 89/18, 44/22 i 39/24) propisano je da nadzor nad primjenom ovog zakona i na osnovu njega donesenih propisa obavlja federalni, odnosno kantonalni inspektor rada, a prethodno navedena Pravila ustanove nisu donesena na osnovu odredbi Zakona o radu.

Također, članom 27. stav 4. Zakona o radu je propisano da se na direktora ne primjenjuju odredbe: radno vrijeme, odmori i odsustva, zaštita radnika, plata i naknada plate i prestanak ugovora o radu sa čim je u direktnoj vezi i zasnivanje radnog odnosa.

Kako je Zakon o radu temeljni zakon koji daje ovlaštenja za postupanje inspektoru rada, a kako isti propis normira da se na direktora ne odnose gore spomenute odredbe, isključena je nadležnost inspektora rada u konkretnoj situaciji.

Također, kantonalni inspektor rada nije nadležan za vršenje inspekcijskog nadzora nad radom Ministarstva kulture i sporta Kantona Sarajevo i Vlade Kantona Sarajevo, te bi u tom smislu predmetnu zastupničku inicijativu trebalo dostaviti Upravnom inspektoratu Ministarstva pravde i uprave Kantona Sarajevo na dalje postupanje.

S poštovanjem,

Dostavljeno:

1. Naslovu
2. Premijer Vlade Kantona Sarajevo
3. Sekretar Skupštine Kantona Sarajevo
4. Sekretar Vlade Kantona Sarajevo
5. a/a

